



**Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. II. De ijs, qui suo, vel alieno nomine postulare possunt, vel non possunt.

---

[urn:nbn:de:hbz:466:1-61641](https://nbn-resolving.de/urn:nbn:de:hbz:466:1-61641)

nomen sepius à vulgo confundatur, magna tamen inter utrosque est differentia; Advocatus enim propriè loquendo est, qui pro altero in judicio præsente, causam illius agit, patrocinium ac defensionem præstare; Procurator verò absentis item prosequitur: tenetur etiam Procurator nomine mandati, si cum parte colludat; Advocatus verò non ex mandato conveniri potest, si rem malè agat, sed de prævaricatione; Procurator post litis contestationem fit Dominus litis, quoad illam instantiam, non autem Advocatus; Advocati Officium nobile est, publicum, honorificum, multis gaudens privilegiis, Procuratoris verò officium vile est, ac onerosum, &c.

Dare autem debet partibus litigantibus Advocatos, qui eorum patrocinium suscipiant, Iudex, coram quo litigatur, si tales Advocati à partibus perantur, vel etiam si non petant partes, miserabiles tamen sint, quæ facilè à contraria parte opprimi possint, ita ut salarium ex publico etiam Advocato numerandum sit, si Cliens pauper sit, prout de his omnibus statuant etiam jura Civilia.

## §. II.

*De iis, qui suo, vel alieno nomine postulare possunt, vel non possunt.*

**E**dicto juris postulare prohibentur, qui minores sunt 17. annis ob judicium infirmitatem; surdus, qui omnino non audit, & plures alij de jure Civili in certis aliquibus causis postulare prohibentur, de quibus Civilistæ. De jure Canonico Clerici in majoribus constituti, vel etiam in minoribus constituti Beneficiarii non possunt esse Advocati ad lites, Compend. Pirking.

c. 1. &c. 3. h. s. &c. in causis seculatis coram Judice seculari, nisi vel propriam suam causam, vel Ecclesie suæ prosequantur, vel miserabiles personas defendant: quia prohibetur universum Clericis his ob dignitatem statu, vel quod ab Ecclesia sufficientem sustentationem habeant, immiscere se negotiis seculatis, & nocere non debeat Sacerdos, cuius est omnibus præesse. Et hinc quamvis non Sacerdotes Clerici possint esse in causis etiam seculatis coram Judice Ecclesiastico Advocati, prout ex relat. c. 1. à contrario sensu colligitur, & in causis Ecclesiasticis coram Judice etiam seculari, Sacerdotes tamen neque in Tribunalis Ecclesiastico Advocatos agere possunt, nisi suam, vel Ecclesie suæ causam agant, vel necessitas alia exigat in casu coniunctarum vel miserabilium personarum, vel ipsius Clericis Sacerdotis, nullam aliunde sustentationem habentis. Quod ipsum Monachis etiam, & aliis Religiosis prohibitum est, ut pater ex c. Ex parte z. h. t. Nisi utilitas Monasterij & Superioris mandatum sive licentia aliud jubeant.

## §. III.

*De Officio, & obligacione Advocati, & effectu postulationis.*

**O**fficium Advocati est, ut merita cause pandat, sive ut omnia, quæ ad causam clientis sui, sive de jure, sive de facto faciunt, in judicio proponat, & ambigua facta, seu frues eorum dirimat, ab injuria, probris, & convitiis abstineat; lites ex industria non protrahat; nullam falsam legem instrumenta testes, &c. proveris alleget; nec suscipiat causam injustam defendendam; nec dilaciones non

Cc                    necel-